

周子薌
輯

經
驗
奇
方



上海科學技術出版社

序

古今方書夥矣。或文理深奧。或議論紛紜。合覽諸編。則備增其美。分觀一集。祇各盡所長。知醫者察脈辨症。固應廣爲搜羅。不知者卷帙浩繁。奚暇尋其條理。求其至簡至約。平易近人者。莫如單方一門。然單方難得。世人往往祕而不傳。余竊恨焉。今春余承同安參鎮陳子明都督之聘。適山陰周子薌先生。亦就邑侯李蘭生司馬之幕。共事一本。相與盤桓。諸叨教益。其平時樂善不倦。胞與爲懷。公餘時兼參醫理。考究精微。一日以所著經驗奇本一書。分爲兩卷。欲登梨棗。見示於余。余詳觀始末。其中施治方藥。條條經驗。種種靈奇。內科則有臨危救活之良方。外證又有丸散膏丹之祕訣。無一不備。無美不臻。簡要精詳。開卷瞭如指掌。向之所恨不傳者。今則得從吾願耳。得是書者。舉凡居家行旅。以及僻處窮鄉。隨地隨時。緩急可持。依方施治。奏效如神。誠救世之慈航。衛生之寶筏也。爰綴數言。以鐫其後。

光緒二十四年歲次戊戌仲冬之月福建海壇林賢慶拜序

經驗奇方目錄

卷上

濟顛祖師乩傳仙果散

一

仙傳三妙膏

二

雲臺膏

四

萬應膏

五

黃蠟膏

六

豬膽膏

六

第一靈寶丹

七

萬應十寶丹

八

如意丹

一〇

三仙丹

一一

萬靈丹

一一

玉華丹

一二

白降丹

一二

辟瘟回生丸

一三

菩提丸

一五

五香丸

一五

指迷茯苓丸

一五

九龍敗毒丸

一六

化毒丸

一六

陽和丸

一七

痢瀉丸

一七

珍珠散

一七

琥珀珍珠八寶丹

一八

鐵扇散

一八

白附散

一八

金花散

一九

降癰活命飲

一九

銀青散

二〇

青金散

二〇

松香散

二一

紫袍散

二一

萬應吹喉散

二一

消痔千金散

二二

一笑散.....二二二

光明散.....二二二

涼血散火湯.....二二二

當歸湯.....二二三

白糖飲.....二二三

九龍定風鍼.....二二三

紫金錠.....二二四

烏金錠.....二二五

祛風酒.....二二六

葵花油.....二二六

枸橘湯.....二二七

八珍粉.....二二七

仙傳午時茶.....二二七

海豬肉.....二二八

仙傳驚風丸.....二二八

半卷下

急救服鴉片毒並治湯火傷.....二一九

急救服砒毒.....二一九

急救服鹽鹵毒.....二一九

急救壓死跌死.....三〇〇

婦人難產.....三〇〇

婦人行經腹痛.....三一〇

產後血崩.....三一〇

產後心腹痛.....三一〇

婦人經血過多遍身疼痛.....三一〇

婦人乳核.....三一〇

男子疝氣痛.....三一〇

三四日兩頭瘡.....三一〇

痢疾.....三一〇

急治絞腸痧.....三一〇

急治木舌.....三一〇

急治喉痺.....三一〇

纏喉風喉痺.....三一〇

纏喉風並一切喉症.....三一〇

纏喉風.....三一〇

單雙喉蛾.....三一〇

爛喉.....三一〇

頭風.....三一〇

胃氣痛	三六
腦流	三六
風火眼疾	三七
小兒慢驚	三七
小兒走馬牙疳	三七
蟲疾	三八
咳嗽多痰並治吐血	三八
乾咳無痰	三八
婦人乾血癆	三八
孕婦胎墜壓脬	三九
受暑	三九
傷寒小肚驟然脹痛	三九
傷寒忽然發冷發熱	三九
傷寒身體不時發抖	四〇
小兒傷寒忽然眼翻口吐涎沫手足抽搐	四〇
陰火發燒	四〇
魚口便毒	四〇
脫骨疽	四一
紅絲疔	四一

牙漏	四一
血痔	四一
痔瘡下血	四二
臟毒	四二
腸風	四二
黃胖病	四二
肚痛霍亂吐瀉	四三
又	四三
治霍亂時證	四三
一切牙痛	四三
各種脹病附補藥二方	四四
男婦痞塊	四五
遺精	四五
瘰癧	四六
癩狗咬傷	四六
毒發欲死	四七
毒蛇咬	四八
風溼脚腫	四八
手足風濕麻木作痛	四八

食積嘔水·····	四八
腎子腫痛·····	四九
手腕彎十指屈身體瘦不起牀·····	四九
十指屈身如樹段不能稍動大便堅閉脈極弱 細·····	四九
拔老瘡管·····	五〇
一切瘡疾·····	五〇
奇病乳垂·····	五〇

初生小兒解痘·····	五一
慢驚風·····	五一
大麻瘋·····	五五
小孩日夜咳嗽吐痰兼血·····	五七
婦人乾血癆·····	五七
爛脚膝瘡·····	五七

經驗奇方卷上

濟顚祖師此傳仙果散

山陰周子薌輯 嘉興馬星樵校

此散功能去積消痰。通經行氣。取效神速。且便攜帶。居家作客。均宜預備。經久不壞。愈陳愈妙。誠濟世之靈散。救病之至寶也。

一泄瀉。每次嚼數分。咽汁吐渣。二三錢即愈。

一紅白痢。日嚼二三錢。一二日即愈。

一諸瘧。日嚼二三錢。連嚼二三日。瘧止爲度。

一胃停食積。舌胎必黃厚。日嚼二錢。嚼一二三日。積消胃開爲度。

一胃氣疼痛。甚至每晨嘔吐者。用五六錢水煎濃汁。熱服即愈。

一霍亂吐瀉。用四五錢水煎服。即愈。

一風火喉痛。喉蛾。嚼二三錢即愈。

一痰嗽。日嚼二錢。連嚼數日。至愈爲度。薑湯送服亦可。

一中風不語。每日早晚各服一錢。生薑湯送下。至愈爲度。

一飯後動風。旋由胸腹脹起。延脹四肢。名曰氣脹。日嚼二三錢。連嚼數日。

俟脹消盡爲度。不必忌鹹。

一小便短少。旋由兩足背脹起。漸至上身。名曰水脹。治法同上。

一婦女經閉肚脹。手足細瘦。俗名蜘蛛脹。日嚼二三錢。漸嚼漸效。總以脹

消盡爲度。自然眠食如常。數月之後。血氣充足。經水自通。

一婦女經閉。日嚼二錢。至經通爲度。或因血衰經閉忌服。

一婦女經水不調。氣鬱不舒。日嚼一二錢。數日即愈。

一婦女臨經腹痛。俟經來痛時。日嚼二錢。連嚼二三日。俟下期見效。

一酒醉人昏。用三四錢。水煎濃汁。熱服即醒。

統須忌食生冷。瓜果。香菰。薤菰。冬筍。酒糟。蝦蟹。油煤。麪食。芋芳。發氣等物。虛症忌服。孕婦忌服。

青果一百斤

青鹽

白鹽各四斤

陳皮三十兩

木香

青皮

砂仁各一十兩

丁香

藿香

蘇葉各五兩

大茴

小茴

薄荷各三兩

花椒一兩

右藥各先將青白鹽搗極細。分五份。餘藥共研爲末。青果亦分五份。分次放於木脚盆內。加二鹽一份。兩手拌之。儲瓷缸內。餘份仿此。次日取出。青果用小石臼舂。按粒舂開。去核完竣。缸底有汁。就用細夏布濾去泥土。就將藥末。放入缸內。使汁收盡。再與青果肉拌勻。分次放大石臼內。舂成細碎。攤晒三五日。半乾爲度。切勿太燥。儲潔淨壘內。築實封口。收藏一二年後。隨時聽用。效難盡述。敬祈仁人君子。如法配製。以備救濟疾苦。功無涯量。福有攸歸。

仙傳三妙膏陰陽症並治

統治癰疽發背。對口疔瘡。無名腫毒。濕痰流注。楊梅結毒。瘰癧馬刀。婦人

乳疽。小兒丹毒。湯火燒灼。蠍螫蜂叮。金刃所傷。出血不止。或被狗咬。腐痛不堪。或跌撲打傷。瘀痛難禁。或風寒濕氣。襲入經絡。以致骨痛筋攣。或濕熱橫入脈絡。閃腰挫氣。動舉難伸。並大人小兒。五積六聚。男婦痞塊。癰瘰。並宜用之。又有瘡癰日久。內生腐骨。口極細小。時流黃水。諸法不效。此膏逐日貼之。其骨自然漸漸出露。以手輕輕拔去。骨盡收功。此膏貼癰疽等症。未成即消。已成即潰。潰後即斂。故名三妙。

紫荊皮

石菖蒲

獨活

赤芍

白芷各二兩

千金子

川大黃

川黃連

川黃柏

片黃芩

全當歸

天花粉

穿山甲

白附子

海風藤

金銀花

大戟

鱉甲

牛膝

白芨

牛蒡子

桃仁

紅花

荊芥

半夏

黃芪

牙皂

草烏

葶麻

血餘

連翹殼

細辛

防風

苦參

僵蠶

蝟皮

巴豆

上瑤桂

良薑

蘇木

羌活

麻黃

烏藥

柴胡

天麻

全蠍

白斂

生甘草

防己

貝母

蜈蚣

蛇退

生甘草

防己

貝母

五條

二條

右藥統切片。用麻油二百兩。入大銅鍋內。浸七日夜。再入桃柳桑槐枝。各二十一段。每段長寸許。如手指粗。以慢火熬至藥黑枯色。用細夏布。

濾去渣。將鍋拭淨。仍以夏布濾入鍋內。再用文武火熬至油滴水成珠。大約得淨油一百六十兩爲準。離火入燥飛黃丹八十兩。以一人持槐木棍。一人下丹。不住手攪勻。再入後藥。

乳香

沒藥各去油八錢

血竭

雄黃各五錢

此四味各研細末。和勻再研。先入攪勻。再入後藥。

眞雲麝

沉香

檀香

降香

木香

楓香

藿香

丁香各五錢

珍珠

冰片各三錢

此十味。各研極細末。和勻再研。徐徐添入。攪極勻。再入樟腦五錢。再攪勻成膏。收藏聽用。效莫殫述也。

雲臺膏藥味純涼專治陽症

統治發背對口搭手。頸癰乳癰。肚癰腰癰。爛腿。臙瘡等症。初起消腫。已成潰膿。既潰斂口。潰後雖孔小如豆。不必撚藥線入管。而膿自出。有腐肉者。亦自然剝離消化。無須鉗割。有骨者亦能推出。不假刀鍼。升降爛藥。始終只用此膏。極爲簡便神速。且能減痛。可以眠食。與外科治法不同。症愈重則愈見力量。雖久潰無不收口。又如狗齧者貼之。則爛爛而仍自收口。並無妨礙。至敷藥糝藥。乃與此膏相輔而行。不可缺也。

生大黃五兩

木鼈仁三兩

元參

生地黃

忍冬藤

土貝母

生甘草

薄荷

朴硝各二兩

生黃芪

全當歸

各一兩五錢

苦杏仁

赤芍

川芎

生草烏

生半夏

生南星

白芷

生黃柏

生山甲

露蜂房

殭蠶

蜈蚣

全蠍

蛇蛻

漂銅綠

萆薢仁

製乳香

蟬蛻

銀硃

生礬

枯礬

製沒藥

明雄黃

牡蠣粉

蟾皮

輕粉

川五倍各一兩

丁香五錢

髮團二兩

右藥用小磨麻油八斤。入銅鍋內。熬至藥黑枯色。用細夏布濾去渣。將鍋拭淨。仍以夏布濾入鍋內。文火熬至油滴水成珠。離火再入炒黃丹四十八兩。用槐木棍攪勻。再入後藥。

炒鉛粉一斤

松香提白八兩

黃蠟

陳石灰

炒陀僧各四兩

蘇合油

樟腦各一兩

前藥隨下隨攪成膏。收儲瓷器聽用。

再初熬前藥內。或加後藥十一味更妙。

兔活

天花粉

連翹殼

防風

香附

蒼朮

陳皮各一兩

黃連

細辛

紅花

瑤桂各五錢

萬應膏

專治跌打損傷。青腫疼痛。如皮破出血者忌用。又治手足等處瘋痛。肝胃氣痛。胸腹腰等處。隔氣疼痛。又治初起癰疽。貼之可散。如已成作痛者忌之。

嫩松香 一斤黃老者不用

萆薢仁

巴豆仁 各二兩

康青

杏仁

開水泡去皮各一兩

膽礬 五錢

右藥先將松香用鐵鍋水煎三次。取起候乾。隔一日。研細末。再以萆薢仁、巴豆仁、各炒黑枯。若不黑枯其性太烈不能用。康青、膽礬、各研細末。先將杏仁落石臼。舂爛如泥。次下巴豆、萆薢仁。一併舂爛。再下康青、膽礬。緩緩舂之。並將松香分數次下。隨下隨舂。再用麻油屢塗杵臼。勿致粘住。干捶成膏。儲瓷器。臨用時須重湯燉烱。攤貼患處。

黃蠟膏

專治新舊臙瘡。忌食酒糟、猪羊、鷄鵝、香菰、麻菰、冬筍、煎炒、發氣等物。

黃蠟 八兩

穿山甲

五倍子

血竭 各二兩

麻油 二斤

生槐枝

生柳枝 各四十二寸如手指粗

右藥用銅鍋熬成七分。濾去渣。再加乳香、沒藥、各一兩、赤石脂、龍骨、五靈

脂、各六錢、兒茶、四錢、各研細末。入鍋再熬。至油滴水成珠。再加黃丹、二兩、血餘炭、五錢、各研細末。攪勻候冷。加三梅冰、五錢、和勻。裝入瓷罐聽用。愈陳愈妙。用

時將患處腐膿紙拭乾淨。切忌水洗。油紙攤貼。每日早夜各換一次。效

驗如神。

猪膽膏

專治大小無名腫毒。肉白色淡。陰疽忌用。每年夏至後。用粗鉢一個。逐日赴市討取猪膽。不拘多寡。攜回破膽皮。放

汁於鉢。隨放隨攪勻。隨晒。夜間及遇雨。則用蓋蓋之。放曬至三伏後爲止。封口收藏。隨時用油紙攤貼。效驗如神。

第一靈寶丹

此丹能卻百病。通利關竅。取效神速。居家出門。常宜預備。誠救急之靈丹。濟世之良藥也。

一受暑肚痛。或感寒鼻塞。頭疼腹痛。用丹少許。搐鼻一二次。取嚏十餘聲。卽愈。如病稍重。搐鼻無嚏。或祇一二聲。病尙未除。或抹兩眼尖角。或用溫開水調服一分。以愈爲度。

一感受暑氣。或受熱太過。關竅不通。或受寒氣。手足厥冷。氣閉血滯。默睡無語。須抹兩眼尖角二次。或用陰陽水調服二分。以愈爲度。或至不省人事。須服三分。方能奏效。抑或無論牙關緊閉與否。大約半時之久。每次取丹少許。連抹兩眼尖角三次。聽其安睡。勿使過熱。約逾二三時辰。自然起死回生。

一疫癘時行。取丹抹兩眼尖角三次。蓋被略睡。出汗自愈。

一指上生瘡。用雞蛋一枚。開一孔。攪勻黃白。入丹五釐。再攪勻。套指上。一二枚卽愈。

一初起無名腫毒。用真米醋調搽。

一火眼之症。取丹抹眼角。

一六畜遇時症。取丹抹兩眼尖角。二三次卽愈。

一常帶身上。疫氣不能沾染。孕婦忌服。搐鼻。抹眼角。不忌。

辰砂 二兩

雄精 五錢

眞蟾酥

開陽花 各一錢

眞雲麝

上冰片

老薑粉 各三分

右藥將前四味。各研極細末和勻。後三味次第加入。研至勻細爲度。裝儲瓷瓶。勿令洩氣。隨時分裝小瓶。黃蠟封口。外以刊刷方紙。包而傳送。功德殊無涯量矣。

萬應十寶丹

此丹乃仙傳祕方。丸治百病。其效如神。遇有疑似未明。一時迫切之症。可將此丹內服外用。無不應手立愈者。居家出門。均宜製備。濟人利己。功德莫大。誠救急之聖藥。濟世之良方也。

一中寒中暑。痧脹吐瀉。手足厥冷。並吐瀉不出。先以三丸研末。吹入鼻內。再以二十九丸放舌上。候微麻咽下。如昏迷不能吞咽。卽研細末。溫水灌下自愈。

一感冒風寒。惡心頭痛。或肚腹飽脹。及風痰等症。以七丸放舌上。微麻咽下。

一受寒受暑。痧脹甚重。絞腸肚痛。心口閉悶。或不省人事。以五丸研細末。次入鼻內取嚏。再以二十一丸放舌上。少頃。溫開水送下。如不見輕。再照前服。

一緊痰氣厥。昏迷不省。牙關緊閉。不能服藥。卽以十數丸研細。吹入鼻內。

無嚏再吹。總以見嚏方可施治。再以念三丸溫水灌服。即愈。

一癰疽疔毒。惡瘡頑癬。發背對口。用數十丸研細末。好紹酒陳米醋調敷。再酌輕重服之。

一蛇蠍蜈蚣諸蟲齧傷。俱用數丸研細末。用好酒陳米醋調敷。內酌輕重服之。

一小兒急驚風。牙關緊閉。不能服藥。以四五丸研末。吹入鼻內。取嚏即醒。再以七丸溫水灌下。即愈。若慢驚風。萬不可服。

一鼓脹水腫。噎隔反胃。以三丸放舌尖上。微麻咽下。再服念三丸。日服二次。十日即愈。惟鼓脹須忌食鹽醬百日。

一胃口疼痛。氣痛寒痛。甚至飲食不下。以五丸放舌尖上。微麻咽下。再用花椒七粒煎湯。送服念一丸即愈。

一山嵐瘴氣。夏月途行。空心觸受穢氣。口含三丸。使邪氣不能侵入。每遇盛寒盛暑。早晨服七丸。可保無恙。

一吐血衄血便血。其勢甚重。即用鮮藕自然汁送服念一丸。如無鮮藕。用乾藕節七箇煎湯送下。

一跌打至死。驚死熱死。魘魅氣悶至死等症。凡有微氣。以數丸研細吹鼻內。再用溫水調灌。可望復生。如見嚏即活。

一瘟瘧暑瘧。日久不愈之瘧。或先熱後冷。或先冷後熱。無論陰瘧陽瘧。於迎瘧來時。用松蘿茶清送服念一丸。雖至重。連服三日即愈。

一泄瀉紅白痢噤口痢。雖日夜幾十次。勢甚委頓。用開水送下。念一丸立止如神。

一時疫頭痛身痛肚疼頭眩眼黑。以九丸放舌尖上。閉口微麻咽下。再用溫水送服。念一丸即愈。

一婦女經水不調。經閉等症。經水不調。用當歸、生地、白芍、川芎各一錢。煎湯送服。念一丸即愈。經閉用紅花一錢。煎湯送服。念九丸。連服三次即愈。

一疝氣上沖於心。不能行走者。用小茴香七粒研末。滾水沖送服。三十九丸即愈。

一小兒悶痘悶疹。用薄荷、芫荽各一錢。煎湯灌送。三十九丸即愈。

茅蒼朮 米泔水浸軟切片 焙乾三兩

明雄黃 研細水飛各三兩六錢

丁香 六錢 眞雲麝

大黃 切片焙乾六兩 麻黃 去節細剉

生甘草 去皮炒二兩四錢

肥皂英 去筋各三錢

明天麻 切片焙乾

蟾酥 一兩

右藥各研極細末。和勻再研。燒酒爲丸。如粟米粒大。外以硃砂三兩六錢研細末。水飛晒乾。研末爲衣。以小瓷瓶收儲。黃蠟封口。切勿洩氣。孕婦忌服。

如意丹

治癰疽大毒惡瘡。並刀石破傷潰爛。功能解膿提毒。去腐生肌。

川五倍 焙燥二兩 明雄精

炙山甲 各四錢

蜈蚣 焙

全蠍 焙各七隻

蟬退焙一十
四隻

眞雲麝

上梅冰各三
分

右藥各研極細末。和勻再研。儲瓷瓶勿令出氣。臨用時。先將腐膿用弱紙拭淨。以破散半毫筆蘸丹。糝患處。金花散蓋面。雲臺膏貼之。每日早晚各換一次。忌食發氣煎炒酒糟等物。其效如神。

三仙丹

專治諸瘡毒腐。並拔陳瘡管肉。

火硝

皂礬各三
兩

水銀一兩
五錢

前二味先研勻細。加水銀研勻。攤入小鐵鍋內。以大碗蓋之。碗口四圍用綿紙條撚捻。麵糊封口。上覆砂土。築實碗足之上。再壓重磚。以免沖開鍋。放鑪上用白炭火燒之。先文後武。點一枝半或二枝竹香爲度。離火候冷。去淨砂土。開看碗上粘滿如白粉爲上品。如秋葵色松花黃次之。紅黃色者均可用。用小刀刮下。研極細。儲瓷瓶聽用。遇瘡有腐管。糝少許。以金花散蓋面。膏藥貼之。次日開看。腐管卽起。鉗拭乾淨。如腐管未盡。再用。已盡不用。只糝金花散生肌收功。丹底研細末另儲。可治癰疥。用麻油調擦。雖痛無妨。終必見效如神。

萬靈丹

專治癩狗毒蛇咬傷。並一切中毒疼痛等症。修合時須齋戒虔誠。

明雄精四錢

製甘石一錢
五分

牙硝一錢
三分

眞雲麝當門子一錢

大梅冰九分

飛月石九分

廣牛黃四分